

4
H.N.Zool.
XII
1590

4

Zoolog. 3037

XII 1590:4


10 Tafeln 112 Abb.


HG-EB


SUB Göttingen
209 108 991

7









JO. FRID. BLUMENBACHII

PROF. MED. ORDIN. M. BRITANN. R. A CONSIL. AVL. SOCIET. REG. SCIENT. GOTTING.

LONDINENS. ET SENENS. ACAD. AMERICANAEE ART. ET SCIENT. BOSTON.

SOCIET. PHILOS. PHILADELPH. ROTTERODAMENS. HARLEMENS.

ALIARVMQVE MEMBRI

D E C A S

QVARTA COLLECTIONIS SVAE

C R A N I O R V M

DIVERSARVM GENTIVM ILLVSTRATA.

G O T T I N G A E

APVD JOANN. CHRISTIAN. DIETERICH.

M D C C C.

10. EBD. EDITIONE ACUTI

PER M. DE GRIDI. M. BRITTON. M. CONNELL. M. COOPER. M. DODD.
M. FLETCHER. M. GIBSON. M. HARRIS. M. HENRY. M. JONES.
M. LINDLEY. M. MURRAY. M. PEARCE. M. REED. M. SMITH.
M. THOMAS. M. WOOD. M. WOODWARD. M. WOODWARD.

ALANUS. MURRAY.

D. E. C. A. S.

QUARTA COLLECTIONE D'AV

CRISTATI LIBRI
EX
BIBLIOTHECA
REGIA ACAD.
GEORGIAE
AUG:

GOTTINGA
JONNI CHR. STEPH. DIETERICH

1780.

Vicesimus iam voluitur annus, ex quo primo consilium cepi comparanda supellestis anthropologicae, qua quidem generis humani varietates gentilitias tanquam documentis genuinis ad ipsam naturae veritatem illustrare liceret. Creuit ea, tum assidua quantum in me erat perseverantia, tum vero maxime fautorum et amicorum liberali quo me iuuerunt studio adeo, ut iam vel craniorum diuersarum gentium numerus, ex quinis terrauei orbis partibus rara fortuna congestus, centenarium superet.

Ternis eorum decadibus e pluribus selectis, quas superioribus annis exhibui, nunc quartam iungere liceat, tam eximia specimenum raritate, quam insigni eorum ad characteres gentilitios stemmatum humani generis illustrandos utilitate et dignitate, nulli istarum secundam. Praeterquam enim quod inter alia remotissimarum Americae et ipsius Australiae populorum crania contineat, in primis tria speciminum reliquis praestat veneranda non solum antiquitate memorabilium, verum et ex ipsis ternis quae orbem veteribus cognitum constituant mundi partibus, desumptorum. Europaeum scilicet caput veteris Romani militis praetoriani; Afrum mumiae Aegyptiacae; Asiacum denique Tschudae ex vetustissimo Scythiae Sibiricae tumulo erutum.

Atque de his quidem primo statim loco sigillatim agamus.

TRIA CRANIA PERANTIQVORVM EX
DIVERSISSIMIS ORBIS PARTIBVS
GENTIVM.

XXXI. MVMIAE AEGYPTIACAE SECVNDAE.

(— Tab. XXXI. —)

Prima quidem iam decade Aegyptiaci medicati funeris caput descripsi, quod vero aequa ac reliqua ad vnum omnia mumiarum crania, quotquot mihi adhuc contemplari licuit [satis multa autem vidi neque perfunctorie tantum in eadem me inquisuisse, binis quas super mumiis edidi dissertationibus a), probare studui] haec inquam omnia id ipsum quod nunc exhibeo, insigni quo conditum est artificio et intemerata integritate, longe superare dicendum est. Debeo hoc cimelium amicitiae viri coniunctissimi, THOMAE TURNER, armigeri angl, qui quidem id ipsum antea in museo PETITI, medici Londinensis b), fuisse, me docuit.

Testum adhuc erat cum ad manus meas peruenit, inuolucris hyssinis bitumine firmissime induratis, demta vnice ea tegminum parte, quae per medium faciei longitudinem decurrerat, ita ut iam frontis pars denudata esset, nasi autem ossi foramina hiarent et labiis dilapsis dentes incisiui vtriusque ordinis exserti conspicerentur. Quum autem vultum vetustissimi Aegyptii hominis reuelatum intueri auerem, inuolucra bituminata, quae ipsi arctissime adhaerebant, canta et suspensa manu a dextro faciei latere diffregi; quo quidem facta non osseam tantum, vt in priore isto mumiæ cranio, compagem, sed et mollium partium, conditura exsiccatarum, imo et cutis magnam partem, hancque in submaxillari regione adhuc barbae male

a) Von den Zähnen der alten Aegyptier und von den Mumien, in Götting. Magazin der Wissensc. und Litteratur. P. I. p. 109.

Observations on some Egyptian Mummies opened in London, in Philosoph. Transactions 1794 pag. 177. recusae in new Annual Register a. 1794. gallico autem idiomate in Magazin Encyclopedique T. I. P. IV. et italicio in cl. BRUGNATELLI Annali di Chimica P. XI.

b) v. Jo. HADLEY'S Account of a Mummy in Philos. Transactions Vol. LIV. 1764. pag. I.

male tonsae vestigiis asperam inueni; quo quidem virile fuisse funus constitit, et vel hoc specimine paradoxa hodierorum Aegypti incolarum opinio refutetur, saepius ab auctoribus rerum Aegyptiacarum repetita *c*), quasi humanae mumiae ex arenosis istis prope Sacaram hypogaeis erutae omnes ac singulae sequioris sexus essent. Palpebrarum quoque vestigia haud infitianda supersunt; interiora autem orbitalium singulari substantia quasi ochracea pissasphalto intermixta, replentur.

Quam vero alias iam ex professo tetigi *d*) mirandam et vere anomalam dentium incisiuorum conformatiōnēm, in tot iam mu-miis (ex eorum nempe numero quae bitumine vere obduratae, non vero mollibus tantum fasciis byssinis laxius obvolutae sunt) obseruatam, etiam in hoc egregio specimine luculentissime cernere licet. Sunt enim vtriusque maxillae, praeſertim vero superioris incisores, si modo incisores eos appellare licet, non scalprorum in modum cuneati, intrinsecus sinuati et in transuersam desinentes aciem, ut dentibus ad secundum a natura paratis, conuenit, sed mirum in modum crassi, obtusi et versus extimum marginem latiori facie oblique truncati *e*).

Ipsum vero caput si cum altero isto quod priore decade deſcriptum est, comparaueris, in vniuersum a lateribus minus com-preſsum appetet, iugalia tamen ossa paulo angustiora habet; frontem ſatis quidem fornicatam, attamen maiorem pro ea portione reliqui vultus quae a glabella inde ad menti vsque apicem descendit; arcus superciliares perparum prominentes; inferiorem autem

A 3

mandi-

c) Cf. v. c. *Travels by VAN EGMONT and J. HEYMAN* T. II. p. 203.

POCOKE'S *Description of the East* T. I. pag. 227.

Anſam fortassis praebuit errori tum imberbis imago in tot mumiarum extimis faciei inuolucris depicta, tum Iſidis larua quam Sycomorini earum sarcophagi praeſe ferunt.

d) Il. cc. tum et libro *de generis hum. var. nativa.* ed. 3. pag. 224.

e) Haud ita pridem amicissimus AUTENRIETH Prof. Tubingensis celeberrimus iconē me. donauit maxillarum dentatarum mumiae Sturgardiensis, quam ipſe accuratissime aeri incidit, et quae dentium priorum coronas, istis mei de quo agimus speciminis, adeo ſimillimas exhibet ut ad hoc ipsum delineatas eſſe peierares.

mandibulam aliquanto latiorem et ab antica parte minus altam; mentum denique magis acuminatum.

Quod vero vnuuersum vultum attinet, differt quidem ille satis luculenter a genuino isto Nigritarum, qui Anglis vulgo facies Guineensis audit, Aethiopici tamen aliquid spirat, ita ut proprius absit ab Habessinico, qualem curata icon exhibet f), proxime autem ab eo quem tot antiquissima Aegyptiacae artis monumenta prae se ferunt g), de quorum charactere physiognomico, in aliis magis Aethiopico, in aliis contra Indico, alias disputauit h).

Obiter etiam obseruasse liceat, nares internas septo suo osse, cum maxima ossium turbinatorum parte orbas, laminam vero cribratam ossis ethmoidei pertusam esse, ita ut nasale antrum in ipsum encephali cauum hiet, quod quidem ad amussim respondet Herodoteae de ratione qua pollinctores Aegyptii cerebrum per nares extraxerint notiriae i), male a nuperis quibusdam in dubium vocatae qui contra per foramen magnum occipitale id factum esse autumarunt, quod sane in nostro specimine neutquam factum esse vertebrae tres colli superiores viticulis suis nativis adhuc inuicem et cum capite arcte copulatae, aperte testantur.

Denique et illud notandum, extare in vtroque capitis latere aurium imitamenta ex bysso bituminato fabrefacta, qualia in altera istarum mumiarum quae ante aliquot annos cum Londini versarer, in museo Britannico soluere mihi licuit, itidem inueni, antea, quantum noui, nemini obseruata.

* * *

XXXII.

f) Abbae Gregorii Ambaren sis imago ab amico eius, JOBE LUDOLPHO, *Commentario ad historiam Aethiopicam* inserta.

g) Perparum v.c. abludit a vultu signi veteris aenei Isidis, quod cum pluribus aliis idolis Aegyptiacis, munificentia perill. GULDEBERG museum academie nostrae ornat. Icon eius exstat in *Recueil d'Antiquités Egyptiennes &c. par J. WIEDEWELT* tab. III. fig. 2. in qua tamen ipse vultus minus feliciter expressus est.


h) In *Philosoph. Transatl.* I. c. p. 191.

i) Acceptissima erat qua me nuper dono affecit cl. WEIGEL, medicus apud Misnenses doctissimus, pars media facialis capitis mumiae bitumine suo adhuc obducta et referta, quod quidem postquam pissaphaltum caute liquefaciendo elicerauit itidem lamina ossis cribriformis transuersa cum crista galli et narium septo carere naresque internas in caluariae cauum hiare reperi.

XXXII. VETERIS ROMANI MILITIS PRAETORIANI.

(— Tab. XXXII. —)

Eminentissimus Cardinalis, STEPHANUS BORGIA, ob insigne quo litteras ipse colit et in aliis fouet et promouet studium per vniuersam Europam celebratissimus, rarissimo hocce crano supellectilem meam dedit. Militis est veteris Romani, cuius ossa inter rudera castrorum praetorianorum simul cum marmorea tabella reperta sunt, quam itidem Eminentissimus princeps transmisit, et cui nomen spectabilis bellatoris ita incisum est:



Characteres primarii. Forma ipsi in vniuersum maxime concinna et symmetrica, caluaria subglobosa anterius fronte eleganter explanata terminatur, quam ipsam longitudinalis linea lenissime prominens discriminat; glabella cum arcubus superciliaribus modice protuberans. Nasi ossa nec ut in simo depressa nec ut in aquilino prominentia, sed media inter utrumque ratione declinata. Iugalia vero neque ut in Aethiopibus protuberantia neque ut in Mongolico stemmate utrinque late extantia sed ab inferiore et exteriore orbicularum margine leniter descendentia. Mandibulae denique cum alveolaris ambitu et dentium seriebus congruis pulcre rotundatae.

Alia obseruata. Protuberantia occipitalis externa latissima et ingenter eminens. Spina nasalis insignis, dupli quasi radice oriunda; interiore scil. quae cristae nasalis continua est, exteriore vero utrinque versus iugum transuersum cui affigitur os turbinatum inferius, exorrecta. Denique singularis obstipatio meatus auditorii sinistri, exostosibus angustati *h.*

* * *

XXXIII.

h.) Puderet fere pigeretque annotasse, vel in hoc veteris Romani crano non magis quam in viro alio humano capite earum suturarum vestigia esse quae

XXXIII. VETERIS TSCHVDAE.

(— Tab. XXXIII. —)

In maxime memorabilibus donis quibus supellectilem meam anthropologicam generoso et indefesso studio auxit Perillustris L. B. DE ASCH, pono bigam craniorum ex tumulis vetustissimis erutam, quales passim in australioris Sibiriae montibus metalliferis visuntur et vulgo Tschudarum (i. e. barbarorum) appellantur *l*). Ad antiquissimam aliquarum gentium eos pertinere quae priscis temporibus metalla illinc eruit, praeter alia cum ossium tum utensilium in iis reperiundorum habitus docet. Illa quidem temporis iniuria maxime fragilia *m*), haec vero plerumque aenea, aliqua lapidea, vix vnam vero ferrea.

Bina ergo quorum modo memini crania ex istiusmodi tumulis, et quidem in ipso quasi Afiae umbilico, Buchtermae, Kolywanicae prouinciae versus Sinensis imperii confinia, ad ripas orientales Irtischii superioris prope metallifodinas Tschebuchterminskoi, eruit cl. KITSCHIGINS, chirurgus Buchtermensis, tumque cura cl. SCHENK, medici Barnaulensis, ad perill. Aschium sunt transmissa.

Alterum

quae in brutis mammalibus os intermaxillare, ipsis proprium, a maxilaribus extrosum dirimunt, et a Galeno bona fide homini quoque tribuntur, nisi in mentem reuocaretur JAC. SYLVII magni sane suo aeuo viri defensio osteotomes Galenicae aduersus Vesalius (oper. p. 138) quem quidem istam futuram in humana vtique gena disquirere iubet, et, si minus expresa ea appareat aut non tota, Galenum ne accuset, monet, „sed naturae impedimenta quaedam nostris corporibus in vilitu et venere „intempestiu ac immodica vitiis succendentia..” — Tam putida sunt argumenta ad quae delabitur in exculpando Galeno suo misere se torquens pertinax senex.

- l*) Pluribus de Tschudicis tumulis speciatim de Kolywanicis, agentem vi desis perill. PALLAS in *Reise durch verschiedene Provinzen des Russischen Reichs* T. III. p. 608 sqq.
- m*) Quinquennium est et quod excurrit ex quo ASCHI generosiss. rogatu, doctissimus pharmaceuta Jo. SIEVERS in eiusdem prouinciae metalliferis montibus talem tumulum effodi curauit in quo praeter humanum sceletum ossa quoque equi et armamenta equaria aenea reperit. Istius vero sceleti cranium adeo fragile erat vt non ipsum sed icon tantum eius iunctim cum alterutro stapede aeneo transmitti potuerit, qui iam inter innumera alia perill. ASCHIADAE dona in museo academie nostrae seruatur.

Alterum eorum quod iam exhibeo, iuvenile est, vid quo
praeter futuras adhuc integerrimas, processus basilaris ossis occipi-
talis nondum cum sphenoideo coalitus et dentium coronae nullat-
enus detritae demonstrant; habitu vero suo summam testatur ve-
tustatem. Tantum enim iam animalis sui glutinis perdidit, vt, tum
leuitate, tum fragilitate qua quidem hinc illinc vel vngue facile
radi potest, denique et quod linguae admotum eidem adhaereat,
multis fossilibus elephantorum, vrsorum aliorumque animantium
mammalium ossibus comparari possit.

Charakteres primarii. Vniuersa forma medium quasi inter Cau-
casiam et Mongolicam tenet. Facies quidem, maxime circa ma-
larum ossa, latior quam in illa, neutiquam tamen tantopere expla-
nata et extrorsum eminens ac in genuinis Calmuccorum craniis.
Caluaria subglobosa. Glabella tumidula. Orbitae rotundiores.

Alia obseruata. Sutura lambdoidea vaegrandibus ossiculis quae
Wormiana vocant, distincta; quale et sagittalis suturae cum co-
ronali confiniis interiacet.

Haec de ternis prisci aeui diuersissimarum orbis plagarum
craniis; iam vero de septenis hodiernorum maxime memorabi-
lium populorum.

VXXX

B

VARIE.

VARIETATIS PRIMAE
SPECIMINA BINA.

XXXIV. IVDAEI CENTENARII.

(— Tab. XXXIV. —)

Iudeam gentem a tot inde seculis per uniuersum pene terrarum orbem dispersam, vultum nihilominus gentilium quousque sub coelo intemeratum et plane characteristicum seruasse, ut vulgo notum est ita et pridem caussarum memorabilis phaenomeni indagatio physiologorum et physiognomorum ingenia exercuit n). Minus vero perulgatum et magis adhuc mirum est, eundem peculiarem characterem vel in ipsis eorum craniis luculenter adhuc obseruabilem esse. Testatur hoc quod iam exhibemus specimen, iudei nostratis, senis centenarii, quod quidem adeo aperte stemmatis sui vultum praese fert, ut toties iam, quanquam in scruinis meis tot aliis promiscue interpositum sit, vel ab indoctis hominibus primo statim intuitu pro iudaico agnitus sit.

Characteres primarii. Maxime quidem nasus aquilinus et mentum porrectum, tum vero etiam maxillae superiores cum naribus subiectae sunt in acutiorum angulum spinae nasalium continuum concurrentes.

Alia obseruata. Suturae non tantum genuinae illae ossium calvariae planorum, sed et reliquae quas harmonias vulgo vocant, ad unum fere omnes senio decrepito confusae et oblitteratae.

* * *

XXXV.

n) v. *de generis hum. variat. nativa* L. ed. 3. pag. 169.

XXXV. PERSAE.

(— Tab. XXXV. —)

Praeda est a Russis militibus ex Persica expeditione a. 1797 reducibus reportata. Quum enim exercitus ad fl. Kur (Cyrum vet.) prope pagum Rutbari iter faceret, in aediculam sepulcralem s. mausoleum o) incidit quod Persarum nobilium (quos *Beg* vocant) aliquis dum in viuis esset erigi sibi curauerat. Hoc ipso vero a militibus funditus euerso, cranium principis in eo conditi seruauit centurio exercitus Generos. L. B. MARSCHALL DE BIEBERSTEIN historiae naturalis studiosissimus, et perillustri ASCHIADAE Petropolin retulit, cuius munificentia iam in meam collectionem transiit.

Viri fuisse senio confecti primo intuitu patet. Satis elegans vero eius conformatio. Calua fere globosa. Frons pulchre fornicate. Nasus fere aquilinus. Processibus malaribus ossium maxillarium perexigua altitudo. Mentum bifidum.

Frontis et orbitalum forma prope abest ab illa pulcherrimi cranii Georgianaem feminae quod tertiam decadem ornat. Nec mirum, cum Persarum illustrium et principum formam connubiosis cum Georgianis feminis pulchriorem redditam esse, pridem a fidissimis et curatissimis obseruatoribus annotatum sit p).

o) Cf. de ipsis Persarum aediculis sepulcralibus CHARDIN T. IV. pag. 197.

p) CHARDIN T. III. pag. 45. SAM. G. GMELIN Reise durch Russland T. III. p. 145. Adeant quorum interest genuinos Persarum vultus conferre, legatorum in aula Rudolphi II. Romanor. Imperatoris versatorum imagines quas egregius artifex Aegid. Sadeler aeri incidit; aut Muhammedis Jumlae fortissimi apud Aurengzebem exercitus ducis natione Persae iconem in VALENTYN's Oost-Indien T. IV. P. II. i. e. Vol. VI. p. 264. cuius picturam archetypam ab Indo pictore mirando fane artificio nitidissime absolutam, amicitiae cl. Dr. BUNSEN bibliothecae academicae a secretis, acceptam refero.

VARIETATIS SECUNDÆ
SPECIMINA BINA.

XXXVI. GROENLANDI.

(— Tab. XXXVI. —)

XXXVII. FEMINAE GROENLANDICÆ.

(— Tab. XXXVII. —)

Vir illastris meique amantissimus, GREG WAD, historiae naturalis apud Havniensis Professor meritissimus, mediante cl. EULNER, in colonia Danica Godhavn ad occidentale Groenlandiae litus degente, supellectilem meam anthropologicam ternis Groenlandorum craniis ditauit, quorum bigam in praesenti exhibeo. Alterum nempe viri 40 circ. et quod excurrit annorum; alterum feminæ quae trigesimo septimo aetatis anno diem supremum obierat. Tertium filii est eiusdem mulieris, iuuenis qui 18 circ. annis vixerat, simillimum ceteroquin matris cranio. Verum et priora illa ita inuicem congruunt ut apte de vtrisque iunctim agere liceat.

Vnuerso habitu perquam similia sunt Eskimotarum capitibus ossis tertia decade illustratis q). Grandia sunt, et quidem calvariae ossa in primis amplissima, versus occipitum elongata. Pro magnitudinis autem ratione mirum in modum tenuia et levia. Frons iugo longitudinali paulo eminente diuisa. Orbitæ magnæ. Nasi ossa longa sed angustissima.

Fossa malaris orbitis subiecta feminæ profundius impressa,
Mentum viro exorrectum.

Respon-

q) Singularis plane habitus quo quina ista Americae maxime borealis hominum capita ossa inuicem conueniunt, maxime spectantium oculos ferit, quando iuxta se posita a vertice visuntur; cuius crania comparandi rationis utilitatem pluribus exposui l. *de generis hum. var. nativa p. 204.* quem tamen locum ita emendare oportet: "crania (remotis maxillis „inferioribus) ossibus suis iugalibus versus eandem lineam horizontalem directis eidem tabulae vna serie imposita" &c.

Respondent quae de magnitudine horum craniorum notaui, relationibus autoptarum qui Groenlandiam inuiserunt et incolas eius capitones esse afferunt r). Facies autem conueniunt cum imaginibus feminarum istius gentis quas accuratissimus OLEARIUS ad viuum fieri fecit s). Hic quoque Groenlandos suos Samoiedis quos viderat similes esse dicit t); EDWARDSIUS contra Indos Americae borealis sibi viros cum Samoiedis vultu comparat u). Vtrumque respondet iis quae superiore decade de Eskimotarum Groenlandis adeo affinum craniis dixi, perfecte ea medium tenere locum inter Mongolicae varietatis crania hactenus a me descripta et Americanae x).

* * *

r) v. c. CRANZ pag. 179.

Praua autem interpretatione contigit ut hi macrocephali boreales a quibusdam scriptoribus per errorem pro giganteae statura hominibus haberentur. v. c. a SAUVAGERSIO nosologiae methodicae T. I. p. 498. ed. Amst. 1763. 8. et a FR. RUY SCH in Catalogus van het Kabinet van anatomische Voorwerpen. Amst. 1731. 8. p. 109.

s) v. EJ. *Moscowitische und Persianische Reisebeschreibung.* ed. 3. 1663. p. 172.

t) l. c. pag. 160. 169.

u) *Natural history of Birds.* T. II. pag. 118.

x) Mentionem quoque illuc inieci binarum iconum Eskimotarum, quarum copiam mihi fecerat per ill. BANKS. Idem vero vir generosus meique amantissimus nuper adhuc tertia imagine alius ex oris Labradoricis feminae me donauit, a celebri artifice Jo. Rusell Londini ad viuum et naturali magnitudine oleatis coloribus depictae; quae quidem pictura alteri istorum craniorum adeo ad amissim respondet, ut hoc ipsum istius feminae caluariam fuisse suspicatus essem, nisi hanc, (cui nomen Mikkak et cuius in historia missionis fratrum Moravicum inter Eskimotas saepius mentio fit,) anno demum 1795. diu postquam cranium istud ad manus meas peruererat, diem suum obiisse, ex actis fratrum istorum didicissem.

VARIETATIS QVARTAE
SPECIMEN.

XXXVIII. AMERICANI ILLINOICI.

(— Tab. XXXVIII. —)

Donum cl. BARTON, M. D. et Professoris in litteraria apud Pensylvanos vniuersitate. Erutum est, vt me docuit vir humanissimus, ex tumulo Indico prope Cayhokiam ad orientale litus fl. Mississipi (circa 40^{mum} gradum lat. boreal.).

Cum in vniuersum Americana generis humani varietas respectu vultus et craniorum formae transitum quasi faciat a Caucasia ad Mongolicam *y*), facile intelligitur alia eius specimina propius ad hanc, alia contra ad illam accedere. Et sic Illinoicum de quo agimus caput, minus a Caucasia quam a Mongolica abesse, primo intuitu patet. Singularem vero verticis conformatiōnem, qua inde ab utriusque lateris semicircularibus planis, fere ad perpendiculum sitis, tecti aut carinae inuersae in modum ascendat, barbaris Mississipi accolis artificiali et violenta capititis infantilis pressione contrahi, autoptae afferunt *z*). Orbitae vero huic cranio valde profundae curatis imaginibus Indorum Americae borealis respondent, quae oculis altius inter orbitas reconditis notabiles sunt *a*).

* * *

y) Genuinam huiusmodi transitus rationem et sensum exposui in *Handbuch der Naturgeschichte*. ed. 6. pag. 64. not. *).

z) Cf. *Relation de la Louisianne ou Mississipi*; in *Recueil des voyages au Nord*. T. V. pag. 14. ed. 3. 1734.

a) Videbis v. c. egregiam Basirii tabulam, decade prima laudatam, septenos huiusmodi Indorum duces exhibentem.

VARIETATIS QVINTAE
SPECIMINA BINA.

XXXIX. IAVANI.

(— Tab. XXXIX. —)

Acceptum refero egregium hocce specimen liberalitati viri amicissimi cl. FORSTEN, Professoris medicinae in Academia Harderovicensi celeberrimi.

Characteres primarii. Caluaria oblonga, minus tamen quam in aethiopica hominum varietate a lateribus angustata. Frons quoque minus fornicata, et facies latior. Orbitae parum ampliae, et margines earum inferiores aequae ac ossium zygomaticorum facies anteriores rotundatae. Glabella planior cum ossibus nasi depresso-culis quasi confluens. Narium apertura fere ouata. Maxillae prominentes. Choana angustissima.

Alia obseruata. Dentium coronae praeter extremam quam manditur superficiem quasi fusco pigmento obductae, quod quidem singulari cupedio, quo asiatici Euronoto obnervi insatiabiliter delectantur, foliis nempe piperis betle simul cum nucleis Arecae catechu et calce manducatis, tribuendum b).

* * *

XL. NOVO - HOLLANDI SECUNDI.

(— Tab. XL. —)

Perillustris BANKSII munificentiae qua collectionem meam iam tot tantisque cimelii ditauit, et hoc memorabile cranium barbari nouae Cambriae incolae, aequae ac prius illud quod tertia decas exhibet, debeo.

Adeo

b) v. per ill. BANKS in Hawkesworthi collectione periolorum iubente Augustissimo GEORGIO III peractorum. Vol. III. pag. 286. 347 sq. ed. Londonensi. secundae 1773.


Adeo vero quod ad characteres primarios illic enumeratos, isti ut ouum quo simillimum est, ut quidem quid vltro de iis monere possim non sit quod habeam. Nihilominus autem huic decadi inserui, quo luculentius monstret peculiarem quo inuicem conspirant habitum, non singuli aduentitium, sed vere gentilitium et natuum esse.

Offa vnguis quae priori isti specimini deerant, in hoc quidem adsunt, attamen valde angusta.



Alveolus dentis incisiui medii dextri pridem euulsi, itidem ut in priore illo clausus, quo quidem et hoc virile cranium esse docemur, siquidem pueris istius Australiae regionis quando adoleverunt, antequam armis vti ipsis conceditur, dens ille singularibus sub ceremoniis et mimicis ludis euellitur, nuper a cl. COLLINS curate descriptis et iconibus illustratis *c).*


Idem et egregio suo operi imaginem barbari Nouo-Hollandi ad viuum delineatam, inseruit, quae quidem cum vtroque quod exhibuimus gentis istius cranio quam perfectissime congruit.

c) In EJ. Account of the English Colony in New-South Wales pag. 563 sqq.





XXXV. Mumiae Aegyptiacae 2^{do}.






XXXII. veteris Romani militis
praetoriani.







XXXIII. veteris Tschudae.


5.9.13. in Aeneis Minervae






XXXIV *Judaei centenarii.*







XXXV. Persae.





XXXVI. Groenlandi.







XXXVII. *Feminae Groenlandicae.*






XXXVIII. *Americani Illinois.*







XXXIX. *Javani.*








XL. Novo-Hollandi 2^{di}.












M. 18036?

Anatom 276



© SUB GÖTTINGEN / GDZ | 2010



QPCARD 201

